

"মিষ্টি বাচ্চারা - সতের সঙ্গ হলো এক, যাঁর দ্বারা তোমাদের সঙ্গতি হয়, আত্মা পবিত্র হয়, বাকি সব হলো কুসঙ্গ, তাই বলা হয় - সঙ্গ উদ্ধার করে আর কুসঙ্গ নাশ করে"

প্রশ্ন : - বাবার এমন কি কর্তব্য, যা কোনো ধর্মস্থাপক করতে পারেন না ?

উত্তর : - বাবার কর্তব্য হলো, সবাইকে পতিত থেকে পবিত্র করে ঘরে ফিরিয়ে নিয়ে যাওয়া। বাবা আসেন - সবাইকে এই শরীর থেকে মুক্ত করতে অর্থাৎ মৃত্যু দিতে। এই কাজ কোনো ধর্ম স্থাপকই করতে পারে না। তাঁদের পিছনে তো সেই ধর্মের পবিত্র আত্মারা উপর থেকে নামে আর নিজের নিজের অভিনয় করে পবিত্র থেকে পতিত হয়।

গীত : - জাগো সজনীরা জাগো...

ওম্ শান্তি। বাচ্চারা গান শুনেছে। কে শুনিয়েছেন? সাজন শুনিয়েছেন। ভক্ত বললে স্ত্রী বা পুরুষ দুইই এতে এসে যায়। তাই সকলেই সীতা। রাম হলেন এক। ভক্ত অনেক, ভগবান এক। সেই ভগবানকে বলা হয় পরমপিতা। লৌকিক বাবাকে পরমপিতা বলা হবে না। তিনি হলেন লৌকিক শরীর দানকারী পিতা। পরমপিতা পরমধামে থাকেন, তিনি সমস্ত আত্মাদের পিতা। প্রত্যেক মানুষেরই দুজন বাবা - এক হলো লৌকিক, দ্বিতীয় পারলৌকিক বাবা। জন্মে জন্মে লৌকিক বাবার বর্ষা আলাদা হয়। প্রতি জন্মে বাবা আলাদা - আলাদা থাকে। তোমরা চিন্তা করে দেখো যে, তোমরা কতো জন্ম নাও, কতো বাবা পাও? হ্যাঁ, ৮৪ জন্মে নিশ্চই ৮৪ জন বাবা আর ৮৪ জন মা পাবে। প্রতি জন্মে একজনই লৌকিক বাবা আর একজনই মা থাকে। দ্বিতীয় বাবা হলেন পরমপিতা পরমাত্মা কিন্তু সত্যযুগ আর ত্রেতায় কখনোই ও গড ফাদার বলে স্মরণ করে না। হে পরমপিতা পরমাত্মা দয়া করো --- এমন কখনোই বলে না, তাই বোঝানো হয় -- সত্যযুগ আর ত্রেতায়ুগে একজনই বাবা থাকেন। এরপর দ্বাপর যুগ আর কলিযুগ, যাকে ভক্তিমার্গ বলা হয় -- সেখানে সকলেরই দুজন বাবা। স্ত্রী আর পুরুষ উভয়েরই দুজন বাবা। মানুষ পারলৌকিক বাবাকে স্মরণ করে কেননা এ হলো দুঃখধাম। দুঃখধামে দুজন বাবা আর সুখধামে একজন বাবা। এখানে তো একজন লৌকিক বাবা, আর দ্বিতীয় সকলের দুঃখ নিবারণকারী বাবা। যাঁকে সকলেই স্মরণ করে যে, এই দুঃখ থেকে মুক্ত করো, দয়া করো। অর্ধেক কল্প হলো দুঃখধাম আর অর্ধেক কল্প হলো সুখধাম। সত্যযুগ হলো নতুন যুগ আর কলিযুগ হলো পুরানো যুগ। বাবা বলেন যে, এখন আমি সত্যযুগ নতুন দুনিয়ার স্থাপনা করছি। এই পুরানো যুগ কলিযুগের বিনাশ হয়ে যাবে। কলিযুগের পরে আবার সত্যযুগ আসবে। কলিযুগের অন্ত আর সত্যযুগের আদিকে কল্পের সঙ্গম বলা হয়। এ হলো কল্যাণকারী যুগ কেননা এখানেই পতিত থেকে পবিত্র হতে হয়। কলিযুগে থাকে পতিত মানুষ, আর সত্যযুগে থাকে পবিত্র দেবতা। বাবা বোঝান যে, এ হলো আসুরী রাবণ সম্প্রদায়। প্রত্যেকের ভিতরেই পাঁচ বিকারের প্রবেশ ঘটেছে। তাকে বলা হবে রাবণ ওমনি প্রেজেন্ট (সর্বত্র বিরাজিত), গড ওমনি প্রেজেন্ট নয়। পাঁচ বিকারের প্রবেশ ঘটেছে তাই একে পতিত দুনিয়া বলা হয়। সত্যযুগ আর ত্রেতায়ুগকে পবিত্র দুনিয়া শিবালয় বলা হয়। কলিযুগ হলো বেশ্যালয়। তাই শিব পরমপিতা পরমাত্মা এসে নব যুগ স্থাপনা করেন। বাবা বলেন, এখন জাগো, নবযুগ বা সুখধামের সময় এখন এসেছে। লক্ষ্মী -

নারায়ণের রাজ্য এখন আসছে । এ হলো রাজযোগ । এ কোনো সাধারণ সত্‌সঙ্গ নয় । এক হলো সত্য সঙ্গ আর দ্বিতীয় হলো মিথ্যা সঙ্গ, কু সঙ্গ । সত্‌ সঙ্গ উদ্ধার করে আর কু-সঙ্গ নাশ করে ।

সত্‌ হলেন এক বাবাই । তাঁকেই বলে পতিত - পাবন এসো । তিনি এসেই পবিত্র বানান । এখন হলো রাবণ রাজ্য । যতক্ষণ সত্‌ বাবা আসবেন না, ততক্ষণ সত্‌ সঙ্গ হয় না । সবই হলো মিথ্যা সঙ্গ বা কু সঙ্গ । তোমরাই হলে সীতা, তোমরাই ভক্তি করো । তোমরা মনে করো ভক্তির ফল ভগবান এসে দেবেন । তাই অবশ্যই যখন ভক্তির সময় সমাপ্ত হওয়ার হবে, তখনই তো তিনি আসবেন, তাই না । অর্ধেক কল্প হলো জ্ঞানের প্রালঙ্ঘ আর অর্ধেক কল্প হলো ভক্তির প্রালঙ্ঘ । এখন তোমরা ভগবানের শ্রীমতে পুরুষার্থ করছো । ভগবান হলেন এক, তিনি নিরাকার, পরমপিতা পরমাত্মা, আত্মাদের বাবা । তিনি এই সঙ্গমেই আসেন । দ্বাপর আর কলিযুগকে ভক্তিকাল্ড বলা হয় । সত্যযুগ আর ত্রেতাকে জ্ঞানকাল্ড বলা হয় । এই জ্ঞান আছেই জ্ঞানের সাগর পরমপিতা পরমাত্মার কাছে । শাস্ত্রের জ্ঞান কোনো জ্ঞান নয় । তাতে যদি জ্ঞান থাকতো তাহলে সদ্ধতি হতো । ভারত যেমন হীরের মতো ছিলো, এখন আর তা নেই । বাবা আবার তা বানান । তোমরা এখন হীরের মতো হচ্ছেো । তোমাদের জীবনের পরিবর্তন হচ্ছে । আত্মা এখন দৈবী গুণ ধারণ করছে । এমনিতে তো মানুষ ব্যরিস্টার, ইঞ্জিনিয়র, সার্জন ইত্যাদি তৈরী হয় । বাকি, মানুষদের দেবতা বানানো, এ হলো পরমপিতা পরমাত্মা, জ্ঞানের সাগরের কর্তব্য । তাঁকেই সত্য বলা হয় । তিনিই সত্য বলেন অর্থাৎ সত্যখন্ডের স্থাপনা করেন । বাকি সব তো মিথ্যা বলে, মিথ্যা খন্ডের স্থাপনা করে । রাবণের মতে চলে । তোমরা শ্রীমতে চলে শ্রেষ্ঠ হও । নতুন যুগেভারত ছিলো নতুন । তাকে ওয়ার্ল্ড অলমাইটি অথরিটি বলা হতো । তখন লক্ষ্মী - নারায়ণের রাজ্য ছিলো । তাঁদের কে এই রাজ্য - ভাগ্য দিয়েছিলো ? অবশ্যই যিনি স্বর্গের স্থাপনা করবেন । এখন ৮৪ জন্ম নিয়ে মানুষ এই আশীর্বাদী বর্ষা হারিয়ে ফেলেছে । এখন আবার চক্র সম্পূর্ণ হবে । সবাইকে ফিরে যেতে হবে । লিবারেটর হলেন একমাত্র বাবা । তিনিই সবাইকে লিবারেট করে নিয়ে যান, এইজন্য তাঁকে কালেরও কাল বলা হয় । বাবা বলেন যে, এখন তোমাদের ৮৪ জন্ম সম্পূর্ণ হয়েছে । এখন ফিরে যেতে হবে । এই সৃষ্টিচক্র কিভাবে চলে, তা বাবা বসেই বোঝান, অর্থাৎ তোমাদের ত্রিকালদর্শী বানান । তিনি তিন লোক আর তিন কালের জ্ঞান দেন । তিনিই হলেন পতিত পাবন, জ্ঞানের সাগর, বীজ রূপ । তাঁর থেকেই তোমরা সত্যখন্ডের অবিদ্যাত্মী আশীর্বাদী বর্ষা পাও । এখানে তোমরা এসেছো পরমপিতা পরমাত্মার কাছে আশীর্বাদী বর্ষা নেওয়ার জন্য, যিনি স্বর্গের স্থাপনা করেন । তোমরা জানো যে, আমরাই আবার স্বর্গের মালিক হবো ।

সত্যযুগের লক্ষ্মী - নারায়ণ আদিদের বলা হয় দৈবী ধর্ম, সে হলো শ্রেষ্ঠ ধর্ম । তাঁদের ধর্মও যেমন শ্রেষ্ঠ, তেমনি কর্মও শ্রেষ্ঠ । সেখানে কেউই ব্রষ্টাচারী থাকে না । দ্বাপর আর কলিযুগেও একজন শ্রেষ্ঠাচারী থাকে না । বাবাকে ভোলার কারণেই এই খারাপ গতি হয় । এরপর বাবা এসেই পতিত থেকে পবিত্র বানান । ধর্ম স্থাপক কখনোই পতিত থেকে পবিত্র বানাতে আসেন না । পতিত পাবন হলেন একমাত্র বাবাই । তিনিই প্রকৃত গুরু । বাকি ওরা এসে তো তাদের ধর্ম স্থাপন করেন । ওপর থেকে পবিত্র আত্মারা আসে, তারপর ধীরে ধীরে পতিত হয় । এই সময় সকলেই পতিত । সবাইকে পবিত্র করা তো বাবারই কাজ । তিনিই হলেন পতিত পাবন । গুরু নানকও সেই সদ্‌গুরু মহিমা করেছেন । এই পুরানো দুনিয়ার বিনাশের জন্যই এই মহাভারতের লড়াই । বাকি এমন নয় যে তোমাদের যুদ্ধের ময়দানে জ্ঞান দেন । জ্ঞানের জন্য তো একান্তের প্রয়োজন । সাত দিন ভাঙিতে থাকতে হবে । বাকি সবই তো হলো ভক্তির সামগ্রী । ভক্তদের মধ্যেও কেউ কেউ বড় ভক্ত হয় ।

রুদ্র মালাও যেমন আছে, তেমনি ভক্তের মালাও আছে । ও হলো ভক্তদের মালা, আর এ হলো জ্ঞানের মালা । ওপরে থাকে শিব তারপর যুগল দানা, তারপর তাঁদের বংশাবলী, যে মালা মানুষ জপ করে । রাম - রাম বলতে থাকে, কেননা তারা দুঃখী, রাবণ সম্প্রদায় রামকে স্মরণ করে যে, এসে নিজের বানাও । এখন তোমরা ঈশ্বরের কোলে এসেছো । বাস্তবে সমস্ত আত্মারাই পরমপিতা পরমাত্মার সন্তান । মনুষ্য সৃষ্টি হলো প্রজাপিতা ব্রহ্মার সন্তান । প্রজাপিতা ব্রহ্মার দ্বারা মনুষ্য সৃষ্টির রচনা করা হয়েছে । আত্মা তো অবিনাশী । আত্মাদের বাবাও হলেন অবিনাশী । এখন তোমাদের দুইজন বাবা -- এক বিনাশী আর দ্বিতীয় অবিনাশী । ব্রহ্মাও শরীর ত্যাগ করেন । শিববাবার তো আর নিজের শরীর নেই । তিনি তো জন্ম - মরণ রহিত । জন্ম - মরণে তোমরা বাচ্চারা আসো । তোমাদের, আদি সনাতন দেবী দেবতাদেরই ৮৪ জন্ম হয় । এ তো হিসেব । গুরু নানকের জন্মের তো ৫০০ বছর হয়েছে । তাহলে এই সময়ে ৮৪ জন্ম কিভাবে নেবে । বাকি লাখ জন্মের তো কথাই নেই । বাবা বোঝান যে, এখন সকলের জন্ম সম্পূর্ণ হয়েছে । এরপর নতুনভাবে সত্যযুগে খেলা শুরু হবে । সত্যযুগে তো অল্পকিছু মানুষ চাই । বাকি এতোসব কোথায় যাবে ? তাদের জন্যই এই মৌচাকে আগুন লাগবে । এই বোম্ব, প্রাকৃতিক বিপর্যয়ে সব শেষ হয়ে যাবে । বাকি আত্মারা সব মুক্তিধামে চলে যাবে । এ হলো শেষ সময়, সবাইকে ফিরে যেতে হবে । ভারতকে অবিনাশী খণ্ড বলা হয় কেননা ভারতই বাবার জন্মস্থান । শিববাবা এই ভারতেই আসেন । পতিত - পাবন বাবা এখানে জন্ম নেন, তাই সমস্ত ধর্মের মানুষের জন্য ভারত হলো অনেক বড় তীর্থস্থান । ভারতের এমন গুরুত্ব কিন্তু মানুষ সেই গুরুত্বকে উড়িয়ে দিয়েছে । এও এই নাটকেরই খেলা, যা বাবা এসে বোঝান । বাবা বলেন যে, আমিই হলাম জ্ঞানের সাগর । লক্ষ্মী - নারায়ণকে জ্ঞানের সাগর বলা হবে না । তাঁদের মধ্যে রচয়িতা আর রচনার আদি - মধ্য এবং অন্তের জ্ঞান নেই ।

এই জ্ঞান অবশ্যই তোমাদের মধ্যে আছে । তোমরাই মানুষ থেকে দেবতা হও । তোমরা এখানে আসো পতিত থেকে পবিত্র হয়ে পবিত্র দুনিয়ার মালিক হতে । বাবা বসে আত্মাদের সঙ্গে কথা বলেন । নিরাকার বাবা এই শরীরকে ধার নিয়ে পড়ান । তোমাদের আত্মাও এই শরীরের দ্বারাই শোনে । বাবা বুঝিয়েছেন যে, আত্মা হলো স্টার, যে ক্রকুটির মধ্যে থাকে, আর ওই বাবা হলেন সুপ্রীম আত্মা । সেই সুপ্রীম এসে এনাকে নিজের সমান সুপ্রীম বানিয়ে সাথে করে নিয়ে যান । তিনি হলেন সমস্ত আত্মাদের গাইড । তাঁকেই দুঃখহর্তা, সুখকর্তা বলা হয় । তিনি তোমাদের দুঃখ থেকে উদ্ধার করে নিয়ে যাবেন । সত্যযুগে কোনো দুঃখ থাকে না । নব - যুগের জ্ঞানও সেখানে নেই । এই কথা মানুষ কখনোই শোনে নি । যদিও ভালো বা খারাপ দুই রকম মানুষই আছে কিন্তু সকলেই পতিত, তাই তো তারা গঙ্গায় স্নান করতে, পবিত্র হতে যায় । গঙ্গার নাম পতিত - পাবনী রেখে দিয়েছে । বাস্তবে পতিত - পাবন তো বাবাকেই বলা হয় । পতিত দুনিয়ার পরে পবিত্র দুনিয়ার স্থাপন হয় । সত্যযুগকে নির্বিকারী দুনিয়া বলা হয় । আর ও হলো সাইলেন্স ইনকরপোরিয়াল ওয়ার্ল্ড । আত্মারা সব এখানে এসে অভিনয় করে । এই পার্ট হলো ৮৪ জন্মের । তোমরা অলরাউন্ড অভিনয় করো । এ হলো এক বানানো ড্রামা । প্রত্যেকের মধ্যেই তার নিজের নিজের অবিনাশী পার্ট । তা কখনোই মুছে যায় না । তোমরা ৮৪ জন্ম ভোগ করবে । এই চক্রের আদি - অন্ত নেই । ড্রামা কখন শুরু হয়েছিলো - এই প্রশ্ন উঠতে পারে না । না এর আদি আছে, না অন্ত । সত্যযুগ শুরুতেও ছিলো সত্য, সত্য আছে এবং সত্যই হবে । এই চক্র বৃত্তে পারলে তোমরা স্বর্গের চক্রবর্তী মহারাজা মহারানী হও । তাকে ওয়ার্ল্ড অলমাইটি অথরিটি রাজ্য বলা হয়, যা ওয়ার্ল্ড অলমাইটি বাবার থেকে পাওয়া যায় । তোমরা বেহদের বাবার থেকে ২১ জন্মের জন্য সদা সুখের বর্সা পাও । বাবাকে হেভেনলী গড ফাদার বলা হয় ।

স্বর্গের আশীর্বাদী বর্ষা দানকারী বাবা বলেন যে, আমি কল্পের সঙ্গম যুগে এসে স্বর্গের আশীর্বাদী বর্ষা দিই। যারা পুরুষার্থ করবে তারা সূর্যবংশী ঘরানাতে আসবে। এ কোনো সাধারণ সত্যসঙ্গ নয়। এ হলো গডলী ইউনিভার্সিটি। ভগবান উবাচঃ, তাই না। ভগবান পড়িয়ে মানুষকে দেবতা বানান। এমন কোনো সত্যসঙ্গ হবে না, যেখানে বলবে, আমরা মানুষ থেকে দেবতা বানাবো।

বাচ্চারা এখন তোমরা নতুন দুনিয়ায় দেবী - দেবতার পদ পাওয়ার জন্য পুরুষার্থ করছো। তোমাদের বোঝানো উচিত যে, বাবা দুজন হয় - এক বেহদের বাবা আর এক হদের। আমরা বেহদের বাবার থেকে অবিনাশী আশীর্বাদী বর্ষা নিষি। তোমাদেরও তিনি মত দেন যে, আশীর্বাদী বর্ষা নাও। শ্রেষ্ঠর থেকে শ্রেষ্ঠ পরমপিতা পরমাত্মার মতে চললে তোমরা স্বর্গের মালিক হবে। সত্য হলেন এক বাবা। তিনি এসেই আমাদের পড়ান। ঐর শরীরের দ্বারাই তিনি বলেন যে, আমি ব্রহ্মার শরীরের দ্বারা ব্রহ্মা মুখ বংশাবলীদের আশীর্বাদী বর্ষা দিই। ব্রহ্মার দ্বারা তোমরা ঠাকুর দাদার আশীর্বাদী বর্ষা পাও। ঠাকুর দাদার আশীর্বাদী বর্ষার উপরে সমস্ত আত্মাদের অধিকার আছে। লৌকিক সম্বন্ধে কেবল পুরুষরাই আশীর্বাদী বর্ষার অধিকারী হয়। তোমরা তো হলে আত্মা। সবাই ভাই - ভাই। সবাই শিববাবার থেকে বর্ষা পায়। তোমরা ঠাকুর দাদার থেকে অবিনাশী বর্ষা পাচ্ছে।

বাবা বলেন যে, আমি তোমাদের মন্দিরের যোগ্য বানাই। মানুষদের দেখো কতো ক্রোধ। একজন আর একজনের বিনাশ করে দেয়। এ হলো বেশ্যালয়। শিবালয় ছিলো, তা আবার তৈরী হচ্ছে। পরমপিতা পরমাত্মা শিব এসে শিবালয় বানান। তিনি এই বেশ্যালয় থেকে উদ্ধার করে গাইড হয়ে সবাইকে শিবালয়ে নিয়ে যান। সবাই তাদের পুরানো শরীর থেকে মুক্ত হয়ে আমার সাথে যাবে। আচ্ছা।

মিষ্টি - মিষ্টি হারানিধি বাচ্চাদের প্রতি মাতাপিতা, বাপদাদার স্মরণ, ভালোবাসা এবং সুপ্রভাত ॥  
রুহানী বাবার রুহানী বাচ্চাদের নমস্কার।

ধারণার জন্য মুখ্য সার :--

১ ) দৈব গুণ ধারণ করে নিজের জীবনের পরিবর্তন করতে হবে। সত্যথওে যাওয়ার জন্য সত্য বাবার সঙ্গে সত্যতা বজায় রাখতে হবে।

২ ) এক সত্য বাবার সঙ্গে থাকতে হবে। মানুষ থেকে দেবতা হওয়ার পড়া খুব ভালোভাবে পড়ে বেহদের আশীর্বাদী বর্ষা নিতে হবে।

বরদান :-- শ্রেষ্ঠ কর্মধারী হয়ে উচ্চ ভাগ্য বানিয়ে পদমাপদম ভাগ্যশালী ভব

যার কর্ম যতো শ্রেষ্ঠ, তার ভাগ্যের রেখা তত লম্বা আর স্পষ্ট। ভাগ্য বানানোর সাধন হলো শ্রেষ্ঠ কর্ম। তাহলে শ্রেষ্ঠ কর্মধারী হও আর পদমাপদম ভাগ্যশালীর ভাগ্য প্রাপ্ত করো। শ্রেষ্ঠ কর্মের আধার হলো শ্রেষ্ঠ স্মৃতি। শ্রেষ্ঠর থেকে শ্রেষ্ঠ বাবার স্মৃতিতে থাকলেই কর্ম শ্রেষ্ঠ হবে, তাই যতো চাও, ততই ভাগ্যের লম্বা রেখা টেনে নাও। এই এক জন্মেই অনেক জন্মের ভাগ্য তৈরী হতে পারে।

স্লোগান : - নিজের সন্তুষ্টতার পার্সোনালিটির দ্বারা অনেকে সন্তুষ্ট করাই হলো সন্তুষ্টমণি হওয়া ।

পদমাপদম - পদ্ম অর্থাৎ শতদল, প্রতিটি কদমে সহস্র শতদল সমান প্রাপ্তি।